



Anders Olsen  
Inatsisartunut ilaasortaq, Siumut  
inatsisartut@ina.alla.gl

**Angallavinni aalajangersimasuni Sarfaq Ittup qanoq sukkassuseqarnissaa il.il.  
pillugu § 37 naapertorlugu apeqquteqaammut 2022-097-imut akissut**

19-05-2022  
Suliap nr.: 2022 - 10470  
ID. nr. 76098691

Asasara Anders Olsen

Inatsisartut suleriaasianni § 37 naapertorlugu Sarfaq Ittup qanoq sukkassuseqarnissaa kiisalu nutaamik sinersortaatisoqassagaluarpas qassinik ilaasoqarsinnaanissaanik pilersaarutit pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

**Apeqqut 1: Sinersortaat nutaaq qanoq sukkassuseqassava (knob) sapaatip akunnerata ataatsip iluani Nanortalimmiit Uummannaq tikillugu uterlugulu ingerlaarsinnaassaguni. Ingerlaarfimmi tassani illoqarfiit tamaasa aqqusaarneqarlutik aammalu inuttat nikinnissaat qasuersaarfissallu ilanngunneqarlutik.**

Akissut: Aqqusaarnermi ataatsimi piffissaq qanoq annertutigisoq atorineqartarneris, inuttat nikinnerinut piffissaq qanoq annertutigisoq atorineqartarneris, inuttalluunniit qasuersaarnissaannut periarfissaasut Ineqarnermut Attaveqaasersuutinullu Naalakkersuisoqarfiup ilisimangilai.

Sinersortaammik angallassineq pillugu Naalakkersuisut politikkiat, Arctic Umiaq Line A/S (AUL) aqutugalugu ingerlanneqarpoq. Niuernermik tunngaveqarluni suliffeqarfinnut tunngavissaasut naapertorlugit ilaasunik angallassinissaa siunertaralugu AUL pilersinneqarpoq. Paasissutissat ujaroneqartut Naalakkersuisut pigingilaat.

**Apeqqut 2: Sinersortaat nutaaq qanoq sukkassuseqassava (knob) sapaatip akunnerata ataatsip iluani Nanortalimmiit Upernavik tikillugu uterlugulu ingerlaarsinnaassaguni. Ingerlaarfimmi tassani illoqarfiit tamaasa aqqusaarneqarlutik aammalu inuttat nikinnissaat qasuersaarfissallu ilanngunneqarlutik.**

Akissut: Qulaani allaqqasumi apeqqut 1-imut akissut innersuussutigaa.

**Apeqqut 3: Sinersortaat nutaaq piviusunngortinneqassappat qassinik ilaasoqarsinnaasq takorloorneqarsinnaava?**

Akissut: Sinersortaammut nutaamut aningaasaliisoqassappat, tamanna pillugu aalajangiinissaq AUL-ip suliffeqarfittut suliassarivaa, tamannalu Naalakkersuisut suliffeqarfillu oqaloqatigiissutigivaat.

Taamaattumik Naalakkersuisut ilisimatitsiisinnaapput, AUL-ip Norgemi Hurtigruten suleqatigalugu umiarsuit assigiinngitsut, takornarialerinemilu ineriartuutaasinnaasut misissorneqartut. Sulineq tamanna annertunerusumik soqutigalugu Naalakkersuisut tassunga atatillugu akulerutinngikkaluarlutik malinnaavigaat, suliarlu qanoq inernejassanersoq utaqqillugu.

Inussiarnersumik inuulluaqqusillunga



Erik Jensen